


የኢትዮጵያ

TURAAQTAVUT

INUINNAQTUN



HIVULIQTIP TUHAADJUTIKHAA



Turaaqtavut tautuktuuyaqtauyuq 22nguyunit ilauyut Nunavutim tallimauyuq Maligaliurvinganit. Titiraq naunaipkarniaqtaa Nunavut Kavamaap havaanga taimaa 2021mut, atauhiq naunaiqtaa ihariagininnit hivulliutiyakhangillu nunaptikni.

Pitillugu una pitquayu innaganik, naunaiqtavut malruuk naunaitkutat: 2018mi tamna 25^{nguqtuaq} tikiutigiyanganik sainiutinganik *Nunavut Angirutinganik*, uumanittauq April 1, 2019 tamna 20^{nguqtuaq} tikiutigiyanganik Nunavunguqmat. Hapkuat quviahuttingit tuniyuq pivikhaqaqtikhamik tautuktuuyaarniqmut, nutaanguffaarhimayuq ihumagillaqtanginnik quvianaqtumiklu.

Nunavut angikliyuq tamainnit nunaryuaptiknit -ilitariyauyuq nuna, pitquhivullu, nutaanguqtiriniq, ilitquhiq ilumuurutingillu agliruttiqiyuq pipkaidjutiyuqlu inungnut tamainni nunaryuaptikni.

Havakhimmaaqtugut ihuaqtumik piplugit ayurhautiptiknik- Nunavut ihariagiyuq angikliyumiqtumik aulapkaitjutikhaniq, aadlamik aaniaqtailiniqmut nakurudjutimullu ikayuutimik, maniliurniqlu maniliurniqmut pivikhaqautinginnik nakuuyumik pigiami. Nunavummiut, biibinnuamit Inirniriinut, ihariagiyut akuniraalukmik ikayuutikhaniq ilihainiqmi munariniqmilu, hamani nunagiaptikni. Kavamavut akhuraaluk havakniaqtut tunigiami nakuutqiyaununik havaanik, qinirhiatilluta angikliyumiqtuq manikhaq nakuutqianiklu qanuriliurutingit hapkunani, aadlanilu, akhuurutauyumi.

Nunavut nunauyuq nakuuqpiactumik pigiami, piyunnautinga pivikhaqautingalu. Qun'ngiaqtugut nakuuyumik piyaptiknik – uqaqtuyugut angitqiyaumik nunataarutimut angiruttingit Kaanataup pidjutingani, angikliyumiqtuq havaktiuyut Inuinnait havakvingani, akhuraaluklu piyavut nunaptiknut, uquahtiaptiknut inungnullu. Hakugiktugut. Akhuuqtumik piyugut. Qaangani ittugut nakuuqpiactumik piyaptiknik.

Hivuliqtipluni taimaa pingahunik nampanganiklu ukiunik, upalungaiyaqtunga naunairiamit hivulliutiyakhakhat piliurhimayuq uumani Turaaqtavut, hakugiktumiklu nipigiyakhaq ikayuqtigami Nunavunmut. Kavamatit havaktuq iliknut. Akhuuqtugut naunaittaqtumik, uqaqtigiiqtumik, aadlanut piyuq hivuliqtiniq iquhimaittumiklu. Ataattikkut, munariyavut ihumagiyanginnik tautugumayanginniklu Nunavunmiutanut, piplugit ihariagiyanginnik tamainnit.

Joe Savikataaq
Hivuliqtuyuq Nunavunmut

TAUTUKTUUYAAQTAUYUQ

Nunavut ukiuqarnialiqtuq taima 20nik ukiunganik talvuuna Tallimauyunik Maligaliuryuarvingit atuqhimayainik. Nuttaqqat inuuhimayut nuutaamik nunaptingnik 1999mi aulaniaqtun biipiinuanikniaqtun nanminikharnik. Taima angiklitiqtilunik iningnikkut, akuktauniaqtun angiyunik ayungnautikharnik pidjutikharniklu uvaptingnin ihumagingitaptingnik taima Nunavut aulatiliqtiluni.

Taima qiniqhimaqaqtunuk hivunirmun talvuuna hivunikhapput 20nik ukiunganik, tautugumayugut Nunavunmiutat inuuhimaaqtun taima pidjutikharnik nanminikkut inuuhiriqharnik, ayungnairutiqaqtuniklu allanik inungnik nunaptingnilu. Pittianginartavut tamangnik ilituqhaivakhimayavut quviahutikharnik iniqtirutikharnik inuuhiptingnik inuuyut inuit.

Pittianginaqtavut Iningnihavut upautigiinaqhugit ikayuqupluta itqaumadjutikharnik hivuniptingni atugianganiklu aulavikharnik hivunikhaptningnik. Tuaninik ukiunik hivunaptingni, tautuktuuyaqtaqtugut taima ilaqaqtunik, nunaalangit, kavamangit, unalu allauyt havakviingit havaqatigiyukhat iliqatigiiktukharnik tuniyaangat munagidjutikharnik ikayuutikharnik Nunavunmiunun taima aulahimaqaqtunik hivunirmun.

Inulramiivut ihuaqtumik aulahimaqaqtun pihimaaqtunlu pidjutikharnik ilihainikkut, tingmiyukharniklu, havagianganiklu. Taima piqaqtun amigaitunik Inuit ayuittiagiikhimayunik nunaalaptingnik havaktuniklu havakviptingni.

Aulahimaanginaqtugut ilauyukharnik namaktumik inuuhiriqtukharnik taima inuit nunaalangitlu aituihimaanginaqtun ihuaqtumik pidjutikharnik hivunaptingnik tamainun. Kavamangit ikayuutikharnik nunaalaptingni aulahimaqlutik havaktukharnik hakugikhaidjutikharnik, unalu piyaanganik nanminikharnik piqaqtukharnik havagianganik.

Nunaptingnik maniliukhimaqaqtunik angikliyumiqliqtun. Munagihimaanginaqtavut atuqtauffagiaqaqtun atuqtauffaalimaituniklu hivunikhaptangi atuqtauyukharnik hivumuurhimaqaqtukharnik ihuarutikharnik talvuuna hilaup allanguqtiginnikut.

Inuktut aulayuq uqauhivut atuqtaunginaqtuq ubluq tamaat havakviptingni inuuhiptingnilu ubluq tamaat.

Nunavut ilitugiyauyuq piuminaqtuqlu Kanatami uvanilu nunaqyuaptingni tamaat taima availiqangitunik nunagiyuq, piqaqtunik allatqiinik avatiliqinikkut, piniqtumik Inuit pitquhiqaqtun uqauhingitlu, avaliqangitumiklu kavamaliqiyaaangat, unalu naunaitumik tautuminaqtunik hanaqidjutikharnik pidjutikharniklu Ukiuktaqtuni.

Hakugiktumik katitirutiqaqtugut inuuhiptingnun avatingnun nunaptingni, talvuunalu tamainun Kanatami nunaqyuaptingnilu. Havaqatigiinginaqtavut iligliqatigiyavut havaqatigiyaaqqtlu piyaangat ihuaqtunik pidjutikharnik Nunavunmiunun piyaangatlu ihuaqtunik itqumadjutikharnik Nunavunmi.

HIVUNIKHALIURUTIKHAVUT

Taima allauyut kavamangit hiviptingni, hivuliqtigyauniaqtugut tapkuninga aitnguyut Inuit hivulliurutikhant upiriyainik:

➤ **Inuuqatigiitsiarniq:**

Pittiaqtig aalanun, inuuqatigiikkut uvalu piqpagibluginnuk.

➤ **Tunnganarniq:**

Pipkainikkut nakuuyumik idjuhiqmik imatun angmaumayumik, tunganaqniqmik uvalu ilauqatigiikkniq.

➤ **Pijitsirniq:**

Ikayuhuni uvalu kivgaqtuqhuni ilaminik una/unalu nunallaaminun.

➤ **Aajiiqatigiinniq:**

Ihumaliuqniq uqaqatigiikhutik uvalu angiqatigiikhutik.

➤ **Pilimmaksarniq/Pijariuqsarniq:**

Pivalliaiplutik ayuirhavallianikkut ilitturivalliaplutik qungiaktillutik nalvaakhimakpatlu ilihaiyiuyinggupluni uuktuqhimmarnitirutlu.

➤ **Piliriqatigiinniq/Ikajuqtigiinniq:**

Havaqatigiinakkut.

➤ **Qanuqtuurniq:**

Nutaanik liliuqniq uvalu ikayuutighaniklu.

➤ **Avatittinnik Kamatsiarniq:**

Pittiarlugu munarilugulu nuna, huradjat unalu avatigiyauyullu.

Aulatitniaqtugutlu kavamangit ihuaqtumik aulayukharniklu talvuuna Inuit Qauyimayatuqangitlu Inuit Hivulliurutikhant Upiriyalingitlu talvuuna malikhautikhantigun atugakhatigunlu.

PIUMALUAQTANGIT

Talvuuna uvaniituq maliktakharnik,
hanaqiniaqtugut kavamautilunuk tallimauyunik
piumaluaqtangit ukuninga:

- Havakhimaarniaqtugut talvuuna hivunikharnik inuuhirinikkut nanminikharnik havagiaqaqtunik inungnik nunalaaptingnilu talvuuna *Inuusivut*.
- Havakniartugut igluqpakharnik unalu maniliurutikharnik talvuuna ikayuutiginiaqtun ihuaqtunik hivunikharnik inuptingun, nunalaaptingnunlu talvuuna *Pivaallirutivut*.
- Tunihimaarniaqtugut ilihairutikharnik ayuiqhautikharniklu taima hanaiyainiaqtun nuttaqqavut, inulramiivut, iningniitlu ihuaqtumik ikayuutikharnik nunaptingni uvanilu atuguminaqtunik havaktukharnik talvuuna *Sivummuapalliajjutivut*.
- Hakugikhainiaqtugutlu Nunavunmik avaliqangitumik nunaqaqtunik Kanatami nunaqyuaptingnilu talvuuna *Inuunivut*.
- Havakniaqtugut talvuuna iliqatigiiktukharnik hivumuurutikharnik talvuuna hivunikhangit atuqtakharnik ihuaqtumik tamainun Nunavunmiunun talvuuna *Katujjiqatigiinnivut*.

Δ♂ꝝ INUUSIVUT

Nunavut angiyuq nunaryuaq, piqaqtuq 20nik pusanik Kanatam nunaani angiktilaanganik. Inuugaivut amigaitilaqaqtun taima 38,000 tausinik unalu angikliyumiqhimaaliqtuq. Avatquhimayut taima 30nik pusanmik inugaitilaangat ukiuqaqtun taima 15nik nappangitlu iningnikhat malruiqtukhuni angikliyumiqhimaayuq talvanganin 2004min.



Inuutivut nunaalaqputlu avatingnun nunaqaqtun avatingni nunaptingni, taima aituihimaanginaqtuq angiyunik ayungnautikharnik talvuuna auladjutikharnik inuuhirinikkut inuuhirikharniklu havaaqhangit ikayuutikhangitlu. Niqait iglukhangitlu akituyut, igluqhangitlu inugiakhutik ihualuangitunik upautiyaangat pidjutikharnik talvuuna inugaitilaaptningni.

Nanminikharnik havagiaqaqtukharnik tunngaviyuq inuuhiptingnik, naunaiyaivakhimayuq taima pitquhititigun ilihimayainik unalu ublumimun ilihimayainik hanalrutikharniklu. Inuit, ilaqaqtuniklu, nunaalaangitlu, kavamanigitlu iliqatigiikhimayut munagidjutikharnik atugianganik ikayugianganiklu nanminikharnik havagiaqaqtukharnik.

Havakhimaarniaqtugut talvuuna hivunikharnik inuuhirinikkut nanminikharnik havagiaqaqtunik inungnik nunaalaptingnilu.

Piumaluaqtavut ukuanguyut:

- ⌚ Ihumagittiaqhugit Iningnikhavut nallaplugit, qauhimagiplugit pitquhingit ilihimayainik, unalu tunihimaaqhugit pidjutikhangit munagidjutingnik talvani nunaptingni;
- ⌚ Kiuhimaarhugit pidjutikhangit Nunavunmiunun talvuuna qayangnairutikharnik akiligliaqaqtunik iglukharnik niqailiurnaitumiklu;
- ⌚ Ihuaqhaiyumiqtihimayukhat munarhiliqidjutiliqinikkut ikayuutikahrnik taima pigiaqaqtun nunaptingni;
- ⌚ Amigairyumirtukhait ikayuutikharnik nunalani aulahimayunik maligaliqinikkut mamitirutikharnik ilihairutikhangit ilituqhayaangat ilaqaqtunik mamiahuutiqaqtunik nulliqiyuniklu ihuinaaqhimayumik; unalu
- ⌚ Ihuaqhaiyumiqtityukhat atuqhimayainik ihumarlukhimayunik, ipiralailaqidjutiqaqtunik, unalu ilaqaqtunik uqautiukharnik talvuuna aulahimayunik pitquhititigunlu uqautiunik hanaqidjutit.

ΛΔΦΕ↔ΡΩΦΕ PIVAALLIRUTIVUT

Nunavut piqaluangituq-hunavalungnik nunaptingnik Kanatamiit -
piqaqtun amigaitunik hunavalungniklu nunaqyuaptingni.

Igluqpavut utuqanguliqtun piqangitrlu pidjutikharnik
angikliyumiqtunik nappangit inulramiinik Iningnikharniklu.
Amigaitpalaqtun nuatqativut inuit aihinun aulaqtitauvaktun
Nunavunmin ihivriuqtauyaangat allatqiniik munagidjutikharnik taima
tuniqiaqagtun talvani nunaptingni.



Nunavutim avugiikhimayumik maniliunginaqtuqaqtuq ilauqaqhimayuq angiyunik nunalaani havaktukharnik amigaikyumiqtuniku uyaraqhiuqtunik havakvikharnik. Pitquhitigun nunani atugiangani hulilukaaktunik akhurnaqtun ilagiyainik maniliukhimayunik. Mikiyut havakviit allatlu maniliukhimaaqtunik havakviit pihimayut angiyunik pidjutikharnik, kihimi piqaluangitun hunavalungnik havagianganik. Akikhangitlu tingmiyaangat ingilradjutikhangitlu aituihimaqtun akituqyumirutikharnik inuuuhimaagianganik havaqianganiklu havaktukharnik nunaptingni.

Nunavut ilingaitugaluaq nunami hunaqaqtunik atuqtauffaalimaituniklu hunavalungni nunami. Kihiani, Ukiuktaqtuni maniqangit amigiyaayukhat ayungnautiqarniaqtunlu talvuuna Hilaup Aalanguqtiginingagun. Kavamavut ilauhimaataqtukhat hulilukaaktunik talvani munagidjutikharnik pivalladjutikharnik talvani nunaptingnik hanaqidjutikhangit nunami iluani naunaiyaiyaangat taima Nunavunmiut quviahutiginiaqtun hakujiktunik iliqatigiiktuharnik nunaptingnik hivunikhaptinqni atuqtukharnik.

Havakniartugut igluqpakharnik unalu maniliurutikharnik talvuuna ikayuutiginiaqtun ihuaqtunik hivunikharnik inuptingun, nunalaaptingnunlu.


Piumaluqtaavut ukuanguyut:

- Maniliurutikharnik iliqatigiiktukharnik iglukharnik naunaiyainiaqtun inuuhirinikkut inungnik nunaalangitlu, ilauhimayut iglukharnik Iningnikhangit munakhivikharnik ipiralailaqidjutiqaqtuniklu nunaptingni;
 - Katitirutikharnik Nunavunmiutat tapkuninga inungnun tamangnun ilanganunlu Kanatamiitunik talvuuna hanaqidjutikharnik maniliurutikharnik iglukharnik taimaitunik apqutikharnik, hivauyautiliqidjutikharnik, ingilradjutikharniklu;
 - Allatqiinik havaktauyukharnik ihuaqhaidjutikharnik maniliurutikharnik pidjutikhainik atuuyaangat nunaalani nanminikharnik atuqtakharnik tuniyaangat nunaalani havaktukharnik talvuuna pitquhiliqinikkut havakviingit, hanayukharnik, pitquhikkutlu, mikiyut nanmikharnik, uyaraqhiuqtunik, iqaliqiyukharnik, allaniklu havaaqharnik; unalu
 - Pivalliadjutikharnik munagiyaangatlu nunami hunaqaqtunik atuqtauffaalimaituniklu hunavalungni nunami hivunigaalukmi pidjutikharnik Nunavunmiunun.

SIIVUMMUAQPALLIAJJUTIVUT

Iliharniqaqtunik naunaiyainiaqtun tunihimaagianganik piyaangat inuuhirinikharnik inuuhanian, unalu ihuaqtumik atuqtukharnik havagianganik. Upalungiarutikharnik ayuiqhauniq aulayuq talvuuna nukakhiutilunik nuttaqqat taima ihuaqtumik angayuqaanguliqiyaangat nukakhitqianguyut ayuiqhaqtukharnik pidjutikhainik. Ayuiqharhimaaqtunik ayuittiarutikharnik pivalliayaangat talvuuna iliharnikkut inuuhirmilu atuqtakhainik.

Ilihainiq piyaanganik Nunavunni, taima ikitkaluaqhuni ilanganin Kanatami, angikliyumiqliqtugaluaq. Kihimi, ilihagiaqtuluangitunik ikiyutlu iningnikhat ilihagqtunik iniqtingitunik aulahimaagtun



ayungnautigivakhimayait nunapteringni. Ilihaqtun iniqtirutikhagitt
ikayuutiqaqtun taima ilaqaqtunik, nunaalaninlu, kavamangitlu
havaqatigiigaangamik akhurhaiyaangat Kmi-12mun
ilihaidjutikharnik unalu angikliyumiqtitivaktuq havaktakharnik
hivutunirmi ayuighautikharnik.

Nunavutim maniliukhimaaqtun allatqiinik aulaliqtugaluaq unalu Nunavunmiutat amigaitunik atuqtakharnik piqaliqtuq talvuuna havagianganik. Tapkuat pidjutikhangit, tamna nunakput havaktiqainaqpaktuq aihinin havaktukharnik taimalu amigaitun Inuit atulluanginaqpaktaat ikayuhialiqliqinikkut havakhimaangitunikuuniit. Ihuaqyumiutikharnik piyaanganik nunalaani ayuittiarutikharnik ayuiqhautikharnik unalu iliharyuaqtunik iliharvikuanganik aituiniaqtun nanminikharnik atuqiaqaqtunik havaqianqaniklu.


Tamna nunakput angitqiayuq havaktitiyuq, tamna kavamangit akigaktuihimaaqtukhat allanik havaktitiunik talvani hilataaniluuniit Nunavunmi piyaangat pihimayaangatlu ayuittiagiikhimayunik havaktukharnik. Havakvingmi ilihainikkut ayuqhautikharnik aulatitiniaqtun tamna pigiaqaqtunik talvani nunalaani havaktukharnik ikayungniaqtuqlu pihimayaangatlu havaktinik.

Tunihimaarniaqtugut ilihairutikharnik ayuqhautikharniklu taima hanaiyainaqtun nuttaqqavut, inulramiivut, iningniitlu ihuaqtumik ikayuutikharnik nunaptingni uvanilu atuguminaqtunik havaktukharnik.

Piumaluqtaavut ukuanguyut:

- Piyaangatlu akiligiaqaqtainik pidjutikharnik nuttaqiqivikharnik taima ikayuutiniaqtun ayuqharnik pivalladjutikharniklu talvani nukakhiit iliharviani;
 - Nuutaanguqtiktuqhaq Ilinniaqtuliqiyitkut Maligaq unalu Inuit Uqauhingit Munagiayukhaq Maligaq naunaiyaiyaangat ihuaqtumik ilihaqtukharnik ihuaghaidjutikharnik ilihaqtunik iniqtighimayainik;

- Taima hivuliulugu nunalaaqput taima aituihmaaqluta nunalaani ayuittiarutikharnik hanayukharnik ayuiqhautikharnik taima ikikliyumiqtinliaqtun ikayutaunginaqhimaitumik allanin talvangalu aihini havaktiqarnaitumik ikayuutikharniklu havaktunun inungnik ayungnautiqaqtunik;
- Ihuaqhaiqyumianganik ikayuutikharnik iliharvikyuanganik ausainmi ilishaqtunik iliharvikyuanganinlu havaaqhangit taima pivallianiaqtun ilihimayakhainik ayuittiarutikharnik taima piqaqtukhauyugut Nunavunmi; unalu
- Tunihimaqaqlutik havakvingmi ilihairutikharnik ayuiqhautikharniklu havaktunik, taima piqaqlutik pidjutikharnik taima amigaiyumianganik Inuit havaktukharnik pivalliayaanganiklu hakugiktunik Inuit hivulliqtikharnik kavamanmi nunaptingnilu.



ΔϬσϬc INUUNIVUT

Nunavut aulatitivakhimayuq 1999mi talvuuna amigaitunik nunalaani aivadjutiliqiyunik angirutaatigun taima tautuktuuyaqpakhimayuq aivadjutiliqvakhimayurlu Inungnik, taima aulaniqaqtunik 85 pusanmik talvanga nunaptingnik inugaingini. Nunavut avaliqangituq taima anginirmi Ukiuktaqtuni nunagiyainik, amigaitilaangat nunaqaqqaqhimayunik inugainik, unalu atuqtakharnik kavamaliqidjutikharnik havagiikhimayuq talvuuna Nunavut Angirutaitigun.



Talvanga malikhautikharnin, tamna Inuit uqauhingit, Qablunaaqtun, Uiviitunlu aadjikiiktunik qullirutiqaqtun. Nunavmiutat piqaqtun pidjutikharnik ikayugianganik ilitagiyauhimayunik uqauhikkut atuqtainik. Tamna Inuit uqauhingit munagiyauyuq kavamangitlu atuquyut ihuaqtumik atuqtakharniklu Inuktut tamaini Nunavunmi nunalaani. Taima piqangitun nunalaanik Kanatami taima tunihimaaqtun uminga qullirutikharnik munagidjutikharnik nunaqaqqaqhimayunik uqauhinik. Taima aituihimaaqtuq Nunavutim avaliqangitunik atuqhimaanginaqtainik.


Taima nunalaani kavamagiyauyuq, kiugiaqaqtugut talvuuna pidjutikharnik tamainik Nunavunmiutat, taima nangapiplugu Inuit pitquhingit ihumagiyaingit, munagidjutikharniklu Inuit uqauhingit, pittiarutikharniklu Inuit ihumagiyaink Nunavunmi.

**Hakugikhainiaqtugutlu Nunavunmik avaliqangitumik nunaqaqtunik
Kanatami nunaqyuapterngnilu.**

Piumaluaqtavut ukuanguuyut:

- ⌚ Aulatitiniaqtugutlu kavamangit ihuaqtumik aulayukharniklu talvuuna Inuit Qauyimayatuqangitlu Inuit Hivulliurutikhangit Upiriyaingitlu talvuuna malikhautikharnigun atugakhatigunlu;
- ⌚ Taima piyaangat Inuit uqauhingit havakvingmi atugiaqaqtun havaktunik nayugaani talvuuna ayuqhautikharnik havakhimaqtangitlu atuqtukharnik; unalu
- ⌚ Hakugikhaiyut tunngavikharnik tamaat atuqtukharni, malrungnik uqauhiqaqtunik nunaqaqtunik inuktut, Qalbunaaqtun, Uiviitunluuniit.

ᖃᓂᐅᔪᖅᑕᐅጀ᜵ KATUJJIQATIGIINNIVUT



Tamna Nunavut Angirutikhanga naunairutiqaqhimayuq kavamaliqidjutikharnik munagidjutikharnik ihuaqicaidjutikharnik taima pigiaqtaqtun nunaptingni kavamangit havagianganik iliqatigiiktukharnik upautiyaangat pidjutikharnik tamainun Nunavunmiunun.

Tamna nunalaani havaktiit angikliyumiqhimaliqtuq talvanganin 1999min, kihiani, aulahimaaqtukhauyugut pivalliayaangat katitirutikharnik pigiaqtaqtukharniklu taima havakhimaaqtilugit hivunikhavut uvani ataani Naunaitkut 23mi piyaangat ilauqatigiiktukharnik nunalaani havaktunik. Talvuuna mikhaatigun, naunaiyaiyukhauyugut taima kavamangit aulayukhat ihuaqtumik, naunaitumik, munagidjutiqaqtuniklu havaanganik.

Havakniaqtugut talvuuna iliqatigiiktukharnik hivumuurutikharnik talvuuna hivunikhangit atuqtakharnik ihuaqtumik tamainun Nunavunmiunun.

Piumaluaqtavut ukuanguyut:

- ⦿ Havakhimaarniq hivunikhangit uvani ataani Nunavut Angirutikharni;
- ⦿ Havakhimaarniq hanaqidjutikharnik iliqatigiiktukharnik tapkuninga Inuit havakvingit, tamna kanatam kavamangit, unalu nanminiqaqtunik havakvingniklu upautiyaangat pidjutikharnik tapkuninga nunalaangit;
- ⦿ Aulahimaqaqlutik akhuqicaidjutikharnik havaktuliqiyitkuni havaktukharnik avatingni nunalaani havaktukharnik;
- ⦿ Ihumaffaaqmilugu havaktuliqiyivut atugakhangit unalu ilihairutikharnik talvani Inuit havaktukharnik tamaini qullirutiqaqtunik talvani nunalaani havaktunik; unalu
- ⦿ Naunaiyaiyukhat kavamangit havaktauhmaanginaqtunik, auladujutikhangit, ilihairutikhangitlu aulatitiyaangat talvuuna ukium maniit akituyut atuqtauuyukharnik munagidjutikharniklu havaktukhat ikayungniaqtunik hanatidjutikharnik talvuuna piumaluaqtukharnik upautiyaangat pidjutikharnik Nunavunmiunun.